

ALCERT SH.P.K TIRANË Departamenti i Çertifikimeve të Personave	Kodi Dok : F/7.2.2/05	Rishikimi: 00 Data : 15.07.2020
Titulli : Informacion përmbledhës i skemës dhe procesit të certifikimit të instaluesve të Instalimeve Elektrike të tensionit të lartë mbi 1 kV		Faqe 1 nga 4

Informacion përmbledhës i Skemës dhe Procesit të certifikimit të instaluesve të Instalimeve Elektrike të tensionit të lartë mbi 1 kV

ALCERT sh.p.k është akredituar nga Drejtoria e Përgjithshme e Akreditimit si trupë certifikimi sipas ISO/IEC 17024:2012 për certifikimin e instaluesve të instalimeve elektrike të tensionit të lartë, mbi 1 kv.

ALCERT do të ofroj certifikime për “Instaluesit” duke përfshirë montimin, mirëmbajtjen, riparimin, çmontimin e instalimeve të tensioneve të larta, në përputhje me kërkesat e VKM 483/2020 “Për miratimin e rregullit teknik “Për kushtet teknike dhe garantimin e sigurisë së instalimeve elektrike të tensionit të lartë, mbi 1 kv”.

Bazuar në VKM 483/2020, instaluesit e tensionit të lartë klasifikohen në 2 kategori:

1. AT1 ku përfshihen instaluesit e instalimeve elektrike të tensionit të lartë jo më të madh se 30 kV.
2. AT2 që përfshin instaluesit e instalimeve elektrike të tensionit të lartë pa kufij tensioni.

Para-kushtet që duhet të plotësojë aplikanti për tu certifikuar sipas grupeve:

1. Kategoria AT1

- a. Të kenë mbushur moshën 18 vjeç,
- b. Të ketë një diplomë universitare në inxhinieri elektrike, profili energjetike në të cilën të përmbahen, përveç të tjerash, edhe lëndët përkatëse, që trajtojnë kompetencën teknike dhe dispozitat rregullatore, në përputhje me këtë rregull teknike;
- c. Në mungesë të diplomës universitare, të ketë një diplomë profesionale/arsim i mesëm profesional, dega elektrike në të cilën të përmbahen, përveç të tjerash, edhe lëndët përkatëse që trajtojnë kompetencën teknike dhe dispozitat rregullatore, në përputhje me këtë rregull teknike;
- d. Të ketë minimalisht 1 vit eksperience pune në instalime, mirëmbajtje, riparime, etj të instalimeve elektrike në rastin e personave me arsim të lartë dhe eksperience pune të paktën 3 vjeçare në rastin e personave me arsim të mesëm teknik në instalime të kategorisë AT1.
- e. Të jete i punësuar në një kompani për kryerjen e instalimeve të tensionit të lartë, me tension jo më të madh se 30 kV, e cila e ka deklaruar shprehimisht kategorinë në të cilën ajo mund të ushtroje veprimtarinë e saj.

ALCERT SH.P.K TIRANË	Kodi Dok :	Rishikimi: 00
Departamenti i Çertifikimeve të Personave	F/7.2.2/05	Data : 15.07.2020
Titulli : Informacion përmbledhës i skemës dhe procesit të certifikimit të instaluesve të Instalimeve Elektrike të tensionit të lartë mbi 1 kV		Faqe 2 nga 4

- f. Të jetë i aftë fizikisht dhe mendërisht për punë, vecanerisht lidhur me te paret, te degjuarit, aftësitë levizëse, etj
- g. Të zotërojë mirë gjuhën shqipe me të shkruar dhe të folur

2. Kategoria AT2

- a. Të kenë mbushur moshën 18 vjeç,
- b. Te ketë një diplomë universitare në inxhinieri elektrike, profili energjetike në të cilën të përmbahen, përveç të tjerash, edhe lëndët përkatëse, që trajtojnë kompetencën teknike dhe dispozitat rregullatore, në përputhje me këtë rregull teknike;
- c. Në mungese të diplomës universitare, të ketë një diplomë profesionale/arsim i mesëm profesional, dega elektrike në të cilën të përmbahen, përveç të tjerash, edhe lëndët përkatëse që trajtojnë kompetencën teknike dhe dispozitat rregullatore, në përputhje me këtë rregull teknike;
- d. Të ketë minimalisht 1 vit eksperience pune në instalime, mirëmbajtje, riparime, etj të instalimeve elektrike në rastin e personave me arsim të lartë dhe eksperience pune të paktën 3 vjeçare në rastin e personave me arsim të mesëm teknik në instalime të kategorisë AT2.
- e. Të jete i punësuar në një kompani për kryerjen e instalimeve të tensionit të lartë, pa kufij tensioni, e cila e ka deklaruar shprehimisht kategorinë në të cilën ajo mund të ushtroje veprimtarinë e saj.
- f. Të jetë i aftë fizikisht dhe mendërisht për punë, vecanerisht lidhur me te paret, te degjuarit, aftësitë levizëse, etj
- g. Të zotërojë mirë gjuhën shqipe me të shkruar dhe të folur

Shënim: Në rastet kur aplikanti është i huaj, organi certifikues mund të sigurojë përkthimin. Nëse do këtë kosto shtesë do përballohet nga aplikanti.

Procesi i aplikimit

Aplikanti dorëzon:

- Kërkesën e firmosur sipas formës së aplikimit tip
- Nënshkrimin e Informacionit Përmbledhës për skemën dhe procesin e certifikimit.
- Dokumentacionin që provon plotësimin e para- kushteve

Procesi i Vlerësimit

Plotësimi i kërkesave vërtëtohet nga paravlerësuesi i ALCERT. Nëse aplikanti plotëson kërkesat, atëherë ai i nënshtrohet procesit të certifikimit dhe kryen paraprakisht

ALCERT SH.P.K TIRANË	Kodi Dok :	Rishikimi: 00
Departamenti i Çertifikimeve të Personave	F/7.2.2/05	Data : 15.07.2020
Titulli : Informacion përmbledhës i skemës dhe procesit të certifikimit të instaluesve të Instalimeve Elektrike të tensionit të lartë mbi 1 kV		Faqe 3 nga 4

pagesën. Në rast se aplikanti nuk i plotëson kriteret atëherë paravlerësuesi e lajmëron atë për kriteret që ai nuk plotëson dhe procedura e certifikimit nuk fillon.

Nëse kandidati tërhiqet vetë nga procesi i ekzaminimit ai duhet të dërgoj një kërkesë me shkrim të paktën 2 (dy) ditë përpara ekzaminimit. Në këtë rast kandidatit i kthehet 50% e pagesës.

Nëse kandidati kërkon që t'i nënshtrohet procesit të ekzaminimit në një datë të mëvonshme ai duhet të njoftojë me shkrim të paktën 4 (katër) ditë përpara ekzaminimit dhe t'i propozojë trupës certifikuese ALCERT një datë të përafërt.

Në raste të emergjencës, psh sëmundje, raste vdekjeje, kandidati njofton trupën certifikuese dhe paraqet pranë saj në kohën më të afërt dokumenta që vërtetojnë emergjencën.

Aplikanti kandidat i nënshtrohet ekzaminimit për vlerësimin e kompetencës së tij, i cili kryhet në 2 faza: 1) Ekzaminim me shkrim, dhe me 2) Ekzaminim praktik.

Kandidati konsiderohet se kalon me sukses vlerësimin e kompetencës teknike nëse ai merr të paktën 75% të pikëve si në ekzaminimin teorik me shkrim ashtu edhe në atë praktik..

Nëse kandidati nuk arrin të marrë me shumë se 75% të pikëve, i mundësohet një ekzaminim i dytë teorik jo më herët se 7 ditë nga data e ekzaminimit të parë por jo më vonë se pas 6 muajsh. Ekzaminimi i dytë kryhet njësoj si ekzaminimi i parë. Në rast të mos marrjes së të paktën të 75% të pikëve edhe në ekzaminimin e dytë teorik, kandidatit i hiqet e drejta për vazhdimin e procesit të certifikimit. Në këtë rast kandidati duhet të aplikojë përsëri. Nëse një kandidat aplikon për më shumë fusha mund ti nënshtrohet ekzaminimit në të njëjtën ditë me një numër tezash sipas fushave të kërkuara.

Tarifat janë sipas listës së tarifave, të cilat janë të aplikueshme njëjloj për të gjithë aplikantët dhe kandidatet.

Dëshmia e aftësisë lëshohet me vlefshmëri 3 vjeçare me mbikëqyrje vjetore, ku për këtë të fundit aplikohet një tarife sa 50% e tarifës së certifikimit fillestar.

Pezullimi dhe Tërheqja e çertifikatës/dëshmisë së aftësisë

1. ALCERT revokon/pezullon Dëshminë e aftësisë/Çertifikatën në rast se konstaton rrezikimin ose dëmtimin e jetës, shëndetit, të personave apo mjedisit për shkak të personit të certifikuar. Gjithashtu Dëshmia e aftësisë/Çertifikata revokohet/pezullohet edhe në rastet kur përdoret në keqbesim dhe në kundërshtim me funksionet e saj.

ALCERT SH.P.K TIRANË	Kodi Dok :	Rishikimi: 00
Departamenti i Çertifikimeve të Personave	F/7.2.2/05	Data : 15.07.2020
Titulli : Informacion përmbledhës i skemës dhe procesit të certifikimit të instaluesve të Instalimeve Elektrike të tensionit të lartë mbi 1 kV		Faqe 4 nga 4

2. Personi i çertifikuar është i detyruar se në rast ndryshimi të gjendjes së tij shëndetësore, e cila ndikon në aftësitë e tij për përmbushjen e detyrës së tij të caktuar si përdorues i pajisjeve/instalimeve përkatëse elektrike, duhet të lajmëroje ALCERT brenda një periudhe 2 javore.

Apelimi

Aplikanti, kandidati ose personi i çertifikuar ka të drejtën e apelimit brenda 15 ditësh nga marrja e njoftimit të çdo vendimi nga organizmi certifikues “ALCERT”.

Formulari i plotësuar nga apeluesi mund të dërgohet me postë ose me rrugë elektronike nëpërmjet faqes zyrtare të ALCERT.

ALCERT bën paraprakisht përpjekjet për zgjidhjen me marrëveshje dhe nëse kjo nuk arrihet, çështja kalon te Komisioni i Apelimit i cili merr vendim dhe njofton me shkrim apeluesin brenda 10 ditësh me postë ose rrugë elektronike.

Ankimi

Ankesë është shprehja e pakënaqësisë e ndryshme nga apelimi, nga ana e ndonjë individi ose institucioni për organizmin certifikues lidhur me aktivitetet e tij ose një personi të çertifikuar prej tij.

Procedurat e ALCERT të trajtimit të ankesave garantojnë trajtimin e të gjitha palëve në mënyrë të drejtë dhe të barabartë në një mënyrë konstruktive, të paanshme dhe në kohë. Ankesa mund të dërgohet me postë ose përmes faqes zyrtare.

Menaxheri i Cilësisë trajton ankesat dhe informon ankuesin për pranimin e ankesës dhe i raporton atij në lidhje me masat që janë marrë.

Vendimi mbi ankesën shqyrtohet dhe miratohet nga Komisioni i Ankesave, i cili merr vendimin përfundimtar dhe njofton me shkrim ankuesin brenda 30 ditësh me postë ose rrugë elektronike, sipas rastit.

Aplikanti: (Emër/Mbiemër)

ALCERT SH.P.K.

Firma _____